

# GO DIGITAL

## SOUTH AFRICA

### 23. Lesibonelelo sitfolwa kuphela ngemakhaya lane-DTT?

Lesibonelelo sitawukhokhela kokubili, i-DTT ne-DTH.

### 24. Ngitawudzinga yini kukhokha imali yekubhalisa njalo ngenyanga njenge-DStv?

Cha, tindleko tekutsenga i-STB tikhokhwa kanye kuphela. Nanoma kunjalo, ufanele kutsi uchubeke ukhokhele ilayisense yakho ye-TV njengekusho kwemtsetfo.

### 25. INingizimu Afrika ingena kuphi kulomkhakha wekusakata wemhlaba wonkhe?

INingizimu Afrika ichumanisa tihlelo tayo tetiteshi nalamanye emave kucinisekisa kutsi kute kutsikameteka naletinye tinkhomba tekusakata talamanye emave.

Loku kusho kutsi kusakata kwe-TV ngeke-analogi kwamanje kuvikelele ekutsikametekeni. Nanoma kunjalo, Inyonyane Yetekuchumana Ngetincingo Yemhlaba (i-ITU) itsi lokuvikelwa kufanele kuphele nga-2015. Kukhulumisana nemave labomakhelwane sekuvule kucalile kute kuncishiswe tinsayeya.

### 26. Lokutfutsa kuke kwentiwa yini kulenye indzawo emhlabeni?

Yebo. Tibbonelo temave lasembali enchutjeni yawo yekutfutsa afaka ekhatsi i-United Kingdom, New Zealand, Sweden, neMelika, France neMauritius. Onkhe emave avumile kucala kusebentisa i-TV ledijithali.

### 27. Bobani labadlalindzima labehlukahlukene futsi ngutiphi tindzima tabo labatidlalako?

#### Hulumende

Unemsebenti wekwenta inchubomgomo Yekutfutsela Ekusakatani Ngekwedijithali (i-BDM). Hulumende uphinde abe nesibopho sekucinisekisa kutsi tikhona timali teSikimu Sekwesekela Buniyo bemakhaya laphuyile kanye nekutfufukiswa kwelisu lekukhucita le-STB. Litiko Letekuchumana lichuba lenchubo egameni lahulumende.

#### Basakati

Basakati basemhlabeni badzinga kutsi batfute imisebenti yabo iye kudijithali. Basakati labatsintsekako yi-SABC, eTV ne-M-Net. Batawuba nesibopho sekusungula imisebenti lemisha nekutfutsa imisebenti lekhona iye kudijithali. Basakati bafanele kutsi baphatse imisebenti yekusakata ngeke-analogi nekwedijithali ngesikhatsi sekutfutsa kwekukhanyisa lokukabibili lokungaba yiminyaka lemitsatfu lapho khona kusakata ngeke-analogi nekwedijithali kutawuchubeka kanye kanye.

#### Basabalalisi benkhomba

Banesibopho sekukhipha sakhiwonchanti senethiwekhi yedijithali egameni lebasakati. Basabalalisi labakhulu benkhomba yiSentech ne-Orbicom yeM-Net.

### Liposi LaseNingizimu Afrika (i-SAPO)

I-SAPO itawuchuba kukhokhela kwema-STB, kukhishwa kwema-STB iphinde futsi ikhokhele labo labatawufaka lesisetjentiswa.

### Insita Yekufanana ne-Ejensi Yekufinyelela yaseNingizimu Afrika (i-USAASA)

Umsebenti we-USAASA kuchuba nekugcina imisebenti lefanako nekufinyelela lwatiso nethekinoloji yetekuchumana. Njengencye yemsebenti wayo ifanele kutsi ikhokhele ema-STB laselekelelo emakhaya langaba tigidzi letisihlanu lanema-TV latsatfwa ngekutsi ayafaneleka.

### Inhlangano Letimele Yetekuchumana YaseNingizimu Afrika (i-ICASA)

Inesibopho sekulawula tekuchumana ngetincingo nemikhakha yekusakata. Itawuba nesibopho sekwaba nekuhlela luchumanomagagasi, nekukhishwa kwemalaysense ekusebenta kwedijithali. Imisebenti lemisha yedijithali ingetfulwa ngaphandle kwelayisense noma imvume ye-ICASA.

### Bakhiciti

Batawuba nesibopho sekukhucita ema-STB nekwenta siciniseko sekutsi emabhokisi uyahambisana nemazinga labekiwe.

### Tinhlangano tebatsengisi nebotsengisi

Titawunika batsengi lwatiso lolungulonalona kute kutsi bakwati kwenta tincumo letifanele nabatsenga ema-STB nekutsi tisebenti tetitolo ticeleshwe ngalokufanele kute teluleke kahle emakhasimende. Indzima yabo labayidlalako kwenta siciniseko sekutsi akhona ema-STB latawutsengwa ngemakhasimende ngembi kwekutsi kucishwe inkhomba yekusakata ngeke-analogi.

### Tinyonyane

Tenta siciniseko sekutsi kutfutsela ekusakatani ngekwedijithali kutawawenta kancono mbamba simo setintfo tebantfu baseNingizimu Afrika nalabasebentako. Ngetulu kwaloko, nekutsi bantfu baseNingizimu Afrika bahlonyiswe kahle kakhulu kute bakwati kuncuma ngelikusasa labo kulelive kanye nakumnotfo.

Lenchubo yekutfutsela kudijithali iveta ematfuba emisebenti ekukhucitweni kwema-STB nema-eriyeli nasekufakweni kwema-STB.

Kwengeta, kwakhiwa kwesikhungo sekushayela tincingo njengencye yekwesekelwa kwebatsengi nako kutawakha ematfuba ekucashwa kwebantfu.

#### Mayelana nelwatiso lolubanti ucelwa kutsi utsintse:

LIHHOVISI LETEKUCHUMANA: LIHHOVISI LEMKLAMO  
WEKUTFUTSELA EKUSAKATANI NGEKWEDIJITHALI (i-DMPO)  
Imibuto: Mashuba Pula ku: 012 473 0061 noma:  
Occasiah Mayisa ku: 012 473 0056.  
Iwebhusayithi: [dtg@gcis.gov.za](mailto:dtg@gcis.gov.za)  
Facebook: [www.facebook.com/GO\\_DIGITAL\\_ZA](https://www.facebook.com/GO_DIGITAL_ZA)  
Twitter: @GODIGITAL\_ZA



the doc

Department:  
Communications  
REPUBLIC OF SOUTH AFRICA



## **ITHELEVISHINI YASEMHLABENI LEDIJITHALI (I-DTT) – KONKHE LODZINGA KUKWATI**

### **1. Kuyini kutfutsela ekusakateni ngekwedijithali?**

Kuyincho yekuntjintja indlela yekusakata kwe-TV ngeke-analogi kusakatwe ngekwedijithali.

### **2. Yini i-DTT?**

Kusho kusetyenziswa kwenethiwekhi yemibhoshongo yekusakata ye-TV emhlabeni kunekusebentisa sijikeletamkhatsini (isathelayithi) emkhatsini kusakata ngekwedijithali.

### **3. Yini umehluko emkhatsini we-DTT neCondza Ngco Ekhaya (i-DTH)**

Ngalokulula nje leti tindlela letehlukene tekusakata inkhomba. I-TV yesathelayithi isakata kusathelayithi lesemkhatsini loyifola ngendishi yakho yesathelayithi. I-DTT isebentisa imibhoshongo emhlabatsini kutsi tisakate inkhomba, letfolakala ngekeusebentisa i-eriyeli ye-TV nelibhokisi langetulu (i-STB).

I-SABC, i-eTV ne-M-Net tinkhomba te-analogi letisakata emhlabeni. I-DStv ne-Top TV tikhomba letisakata ngekwedijithali lokucela kusathelayithi.

### **4. Kungani sidzinga kutsi sintjintje kusebentisa i-TV ye-analogi sisebentise yedijithali?**

Kute sihambisane nalamanye emave netheteknoloji ekutfukako emhlabeni wonkhe, hulumente uncume kuntjintja ayekele kusebentisa i-TV ye-analogi asebentise yedijithali.

### **Tinzuzo tekusakata nge-TV ledijithali tifaka ekhatsi:**

- Umsindvo locacile
- Emashaneli lamanengi
- Inkhombandlela ye-TV lengentiwa kalula kutsi ibe nelwato lwakamuva mayelana nemashejuli latse kunemba kakhulu.
- Titfombe letinekhwalithi lekahle kakhulu. Ikhwalithi yetitfombe letikahle letingabi timbi ngenca yenkhomba ye-eriyeli ye-TV lebutsakatsaka. Titfombe takho ku-TV titawuba nguletingutonatona nome-ke utawuvele nje ungabi netitfombe. Sekuphilele kuba netitfombe (letingacaci).
- Kusakatwa kwetitfombe te-TV leticaca ngalokusezingeni lelisetulu (te-HD).

### **5. Yini lengiyidzingako kute ngintjintjele ku-DTT?**

Udzinga i-STB, kutawuya ngektfolakala kwayo endzaweni yakini mhlawumbe i-DTT noma i-DTH. Kutawentiwa kutsi ulufole lolwatise ngesikhatsi lesifanele.

### **6. Loku kusho kutsi ngidzinga idekhoda ye-M-Net lensha?**

Yebo – idekhoda (sihumushi) yakho ye-M-Net iyidekhoda ye-analogi futsi itawufanela kutsi isuswe imelelwe yidekhoda ledijithali. Ngaphandle nangabe une-DStv noma i-Top TV.

### **7. Yini i-TV yedithithali lehlanganisile?**

Kuleminyaka lembalwa letako kutawkhonakala kutsenga i-TV lenedekhoda leyakhelwe ngekhatshi. Lama-TV lankha abitwa ngekutsi ngema-TV lahlanganisile kepha asengakatfolakali eNingizimu Afrika.

### **8. Ngitawuyidzinga yini i-eriyeli lensha ye-TV?**

Kungenteka ungayidzingi. Labanye babukeli kungenteka bawadzinge ema-eriyeli lamasha ema-TV. Noma ngabe uyayidzinga noma awuyidzingi i-eriyeli lensha ye-TV noma udzinga kutsi kulungiswe i-eriyeli yakho ye-TV lekhona kutawuya ngekhwalthi yenkhomba ye-DTT endzaweni yangakini.

### **9. Ngitawudzinga ema-STB lamatsafu yini: Yinye ye-SABC, yinye ye-e TV nayinye ye-M-Net?**

Cha, yinye kuphela. I-STB itawukhona kutfola emashaneli edijithali kubo bonkhe basakati baseNingizimu Afrika labanemalayisense. Basakati labangakhokhelwa batawudzinga ema-STB abo, i-M-Net utawuphindze isebentise yayo idekhoda.

### **10. Ngutiphi timhawu noma tintfo tebutwephe she letidzingeka ngco tesisetjentiswa lengitawutidzinga kute ngitfole i-DTT?**

Kusakata kwe-DTT eNingizimu Afrika kusebentisa ithekinoloji ye-DVB-T2 kufuca kwangekhatsi lokulingene kwe-MPEG-4. Ngako-ke, kute utfole kusakata kwe-DTT, lokudzingeka ngco kwe-SANS862 kufanele kutsi:

- kuhambisane ne-DVB-T2 lesezingeni
- kwati kucacisa ividiyo ye-MPEG-4.

### **11. Itawucala nini kutsengiswa i-STB?**

Gadza tindzaba mayelana nesimemetelo lesisemtsetfweni sekutsi itawu-ktfolakala nini etitolo.

### **12. Kutawungitsintsa nini loku?**

Indvuna yeTekuchumana itawumemetela lusuku lwekucisha i-analogi ngemuva kwekubonisana neKhabhinethi. Nangabe utawube ute i-STB ngalolusuku, angeke ukwati kubukela nanoma nguluphi luhlelo lwe-TV lolufolwa nge-eriyeli ye-TV yakho.

### **13. Nangabe ngine-DStv nome i-Top TV, yini lekufanele kutsi ngiyente?**

Kute. Kuntjintjela ku-DTT kutawutsintsa kuphela kusakata lokutfolwa nge-TV yasemhlabeni. I-DStv ne-Top TV letfolakala ngendishi yesathe-lyithi sekuvele kume ngendlela yedijithali.

### **14. Ngitawukwati yini kubukela i-DTT nangabe nginendishi yesathe-lyithi kuphela?**

Cha, utawudzinga kuba ne-eriyeli ye-TV ne-STB lechunyiwe letakwenta kutsi ukwati kubukela tinhlelo te-DTT.

### **15. Nangabe nginema-TV lamatsafu endlini, ngitawudzinga ema-STB lamatsafu yini?**

Kuphela nangabe ufuna kutsi i-TV ungayinye ikhombise emashaneli lehlukene ngesikhatsi sinye, ngaphandle kwaloko i-STB itawukwati kukhombisa luhlelo lolufananako kuma-TV lamanengi.

### **16. Ngidzinga i-TV lenetitfombe leticacile yini (i-HD) yalokuntintjela ku-DTT?**

I-HD TV ayidzingeki kubukela kusakata ngekwedijithali, kepha nangabe luhlelo lwarekhodwa nge-HD, losebentisa i-HD TV utawutfola kucaca lokuncono neminingwane lengatane seyibe khona emisakatweni ye-analogi.

### **17. Ngente njani nangabe i-STB ayikhombisi titfombe te-TV letisizingeni lelisetulu?**

Loku kungabangelwa yi-eriyeli ye-TV lengasebenti kahle noma tintsambo noma luchumanomagagasi lwenkhomba njengeliphutsa letindlatinyenti. Tinombolo tekusita batsengi titawatiswa ngesikhatsi lesifanele. Gadza tindzaba kute utfole simemetelo lesisemtsetfweni.

### **18. Ngisengakwati yini kuchubeka ngisebentise i-DVD noma sidlali-vidiyo/rekhoda ku-DTT?**

Yebo. Imvamisa, ema-DTT STB anetikhiphaphumela letengetiwe letingachunywa ku-DVD/irekhoda yevidiyo noma sidlali.

### **19. Ngitawuyidzinga kutsenga i-TV lensha yini kute ngikwati kutfolo i-DTT?**

Cha. Onkhe ema-TV e-analogi atawukwati kutfolo i-DTT. Yati kutsi kute i-TV lekhona manje etitolo letawukwati kutfolo emashaneli e-TV ladijithali ngaphandle kwe-STB. Nanoma ngabe i-TV 'seyilungele kuba dijithali' noma 'ilungele i-HD' – akusho kutsi itawutfolo kusakata kwe-TV lokudijithali ngaphandle kwe-STB.

### **20. Ngitawati kanjani kutsi i-TV yami iyahambisana ne-STB?**

Onkhe ema-TV ayahambisana ne-STB.

### **21. Sikhona yini selekelelo lesikhona sekutfolo sisetjentiswa se-DTT? Kutawentekani nangabe angiyikhoni i-STB? Ingabe loku kusho kutsi angeke ngikwati kubukela i-TV ngemuva kwekutfutisa?**

Hulumente utawupha emakhaya laphuyile langetulu kwetigidzi letisihlanu lanema-TV ema-STB amahhala. Kutawucalwa ngemakhaya langaseminyeleni yalalive nalawo lahlala dvutane netindzawo te-Square Kilometre Array (i-SKA) eNyakatfo Kapa.

Lamacembu lalandzelako afanelwe kutfolo telekelelo:

- Bantfu baseNingizimu Afrika labaphuyile labanabomatsi (ema-ID) laluhlata satjani.
- Emakhaya lanema-TV lasebentako kantsi futsi abakabhaliseli tinsita te-TV letikhokhelwako.
- Emakhaya laphila ngesibonelelo sahlumende
- Emakhaya lasavele etfole sibonelelo se-SABC semalayisense e-TV.
- Bantfu baseNingizimu Afrika labahlala etindzaweni tetigodzi letingaseminyeleni yalalive nangaku-Square Kilometre Array eNyakatfo Kapa.

Leselekelelo sitawabiwa Yinsita Yekufanana ne-Ejensi Yekufinyelela yaseNingizimu Afrika (i-USAASA) i- ejensi yahlumende lenikwe umsebenzi wekukhokhela bantfu tibonelelo te-STB.

### **22. Itawubita malini i-STB?**

Tintsengo titawumenyetelwa nangabe ema-STB asatfolakala etitolo. Bantfu labangeke bafanelwe kutfolo sibonelelo sahlumende batawuttsengela abo ema-STB.